

სარჩევი

სატენდერო დოკუმენტაცია	2
სს „საქართველოს სახელმწიფო ელექტროსისტემისათვის“ ავტომატური რეგისტრაციის მომსახურების შესყიდვა ელექტრონული ტენდერის საშუალებით.....	2
1. საკვალიფიკაციო მოთხოვნები:	2
2. ავტომატური რეგისტრაციის მომსახურების მიწოდების ვადა და ადგილი.....	3
3. გასაწევი მომსახურების რაოდენობა, ტექნიკური პირობები და მოთხოვნები.	3
4. ხელშეკრულების პროექტი მომსახურების შესყიდვის შესახებ №	4
5. დანართი № 1	9
ხარჯთაღრიცხვის ფორმა.....	9
6. სატენდერო დოკუმენტაციის შესახებ დამატებითი ინფორმაციები:	10
7. საკონტაქტო ინფორმაცია.....	10

სატენდერო დოკუმენტაცია

სს „საქართველოს სახელმწიფო ელექტროსისტემისათვის“ ავტომატური რეგისტრაციის მომსახურების შესყიდვა ელექტრონული ტენდერის საშუალებით.

1. საკვალიფიკაციო მოთხოვნები:

1.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 კერძო სამართლის იურიდიული პირისათვის და ინდ. მეწარმეებისათვის:

- ა) ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;
- ბ) ცნობა საჯარო-სამართლებლივი შეზღუდვის არსებობის შესახებ (საჯარო რეესტრის ეროვნული სააგენტოდან);

1.1.2 საჯარო სამართლის იურიდიული პირისათვის:

- ა) ცნობა საჯარო-სამართლებლივი შეზღუდვის არსებობის შესახებ (საჯარო რეესტრის ეროვნული სააგენტოდან);

1.1.3 ფიზიკური პირებისათვის:

- ა). ცნობა საჯარო-სამართლებლივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.2 სატენდერო დოკუმენტაციის 1.1 ქვეპუნქტით განსაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს ელექტრონული ტენდერის წინადადებების მიღების დაწყების თარიღს;

1.3 ამ პუნქტის 1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილი უნდა იქნეს „შემსყიდველ“ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ წინადადების მიღების დაწყების თარიღამდე არაუგვიანეს 30 დღის ვადაში გაცემული საკვალიფიკაციო მონაცემების დამადასტურებელი დოკუმენტები.

1.4 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების (ასლების) წარმოდგენა „შემსყიდველ“ ორგანიზაციაში ხორციელდება სისტემის მეშვეობით. „შემსყიდველ“ ორგანიზაციას უფლება აქვს მოსთხოვოს „პრეტენდენტს“ საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენა ხელშეკრულების ხელმოწერის მომენტისათვის.

შენიშვნა: პრეტენდენტს არ უნდა გააჩნდეს ქონებაზე საჯარო-სამართლებრივი შეზღუდვა.

2.ავტომანქანის რეცხვის მომსახურების მიწოდების ვადა და ადგილი

2.1 რეცხვის ტალონების მიწოდების ვადაა – ეტაპობრივად (1 წლის განმავლობაში), შემსყიდველის წერილობითი შეტყობინებით განსაზღვრული რაოდენობის შესაბამისად 2(ორი) სამუშაო დღეში.

2.2 მომსახურება უნდა განხორციელდეს სატრანსპორტო საშუალების მიყვანის და ტალონის წარმოდგენისთანავე. „მიმწოდებელმა“ მომსახურება უნდა გაწიოს მიწოდებული რეცხვის ტალონების სრულად გამოყენებამდე.

2.3,„შემსყიდველი“ იტოვებს უფლებას არ მოითხოვოს ტენდერით შესასყიდი მომსახურების გარკვეული ნაწილი ანუ მოითხოვოს ნაკლები რაოდენობით.

2.4 მომსახურება უნდა განხორციელდეს „მიმწოდებლის“ ტერიტორიაზე ტექნიკური მოთხოვნების შესაბამისად.

3.გასაწევი მომსახურების რაოდენობა, ტექნიკური პირობები და მოთხოვნა.

3.1. გასაწევი მომსახურების რაოდენობა, ტექნიკური პირობები.

3.1.1 სედანის ტიპის ავტომანქანისათვის– 250 მომსახურება.

3.1.2 ჯიპის ტიპის ავტომანქანისათვის– 500 მომსახურება.

აუცილებელი მოთხოვნა:

3.1.3 ქ.თბილისის ტერიტორიაზე არანაკლებ 15 ერთეული მომსახურების სამრეცხაო ბოქსი.

3.1.4 ქ.ქუთაისის და ქ. ბათუმის ტერიტორიაზე მომსახურების ბოქსები.

3.1.5 ინფორმაცია ქ.თბილისში, ქ.ბათუმში და ქ. ქუთაისში განთავსებული ბოქსების შესახებ (მისამართები).

3.1.6 მომსახურება უნდა ითვალისწინებდეს ავტომანქანისათვის როგორც ძარის ასევე სალონის რეცხვას.

3.1.7.ქ. თბილისის ტერიტორიაზე მინიმუმ ერთ სადღეღამისო მომსახურების ბოქსი.

3.1.8 „პრეტენდენტ“ კომპანიას საქართველოს ტერიტორიაზე საკუთრებაში უნდა გააჩნდეს უძრავი ქონება.

3.2 მოთხოვნა: ფასწარმოქმნის ადეკვატურობის დასაბუთების ვალდებულების შესახებ:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე პრეტენდენტი ვალდებული იქნება დაასაბუთოს ფასწარმოქმნის ადეკვატურობა ექსპერტიზის დასკვნით ან/და აუდიტის დასკვნით ან/და შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშგაქტურით ან/ და ინვოისით ან/ და სასაქონლო ზედნადებით ან/და საბაჟო დეკლარაციით, რომელიც ადასტურებს პრეტენდენტის მიერ ელექტრონული ვაჭრობის შედეგად დაფიქსირებულ საბოლოო ფასად ტენდერით გათვალისწინებული საქონლის სრულად მოწოდების შესაძლებლობას. რომლის გაფორმების ან გაცემის თარიღი უნდა იყოს არაუმეტეს 6 თვისა დოკუმენტაციის წარმოდგენის დღიდან. თუ ზემოაღნიშნული დოკუმენტი წარმოდგენილ იქნა უცხო ენაზე მას თან უნდა ახლდეს ნოტარიულად დამოწმებული თარგმანი ქართულ ენაზე .

4. ხელშეკრულების პროექტი მომსახურების შესყიდვის შესახებ №

ქ.თბილისი

_____ 2015წ.

I. მხარეები

წინამდებარე ხელშეკრულება დადებულია 2015 წლის _____, ერთი მხრივ სს „საქართველოს სახელმწიფო ელექტროსისტემა“ (შემდგომში “შემსყიდველი”) წარმოდგენილი მისი _____ სახით და მეორეს მხრივ _____ — (შემდგომში “მიმწოდებელი”) წარმოდგენილი მისი _____ სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1 მიმწოდებელი იღებს ვალდებულებას გაუწიოს “შემსყიდველს” მომსახურება (CPV 50112300), წინამდებარე ხელშეკრულების დანართი № _____-ის (ხარჯთაღრიცხვა) შესაბამისად.

2.2. დანართი № _____ წარმოადგენს წინამდებარე ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

3.1 ხელშეკრულების საერთო თანხა შეადგენს _____ (_____) ლარს _____ (შემდგომში – “ხელშეკრულების ღირებულება”).

სს „საქართველოს სახელმწიფო ელექტროსისტემისათვის“ ელექტრონული ტენდერი ავტომატური რეგისტრაციის მომსახურების შესყიდვა.

3.2. ანგარიშსწორება განხორციელდება ეტაპობრივად, შემსყიდველის წერილობითი შეცნობებით განსაზღვრულ ფაქტიურად გაწეულ მომსახურებაზე მიღება-ჩაბარების აქტის გაფორმებიდან და ანგარიშ-ფაქტურის წარმოდგენიდან 10 (ათი) კალენდარული დღის განმავლობაში.

3.3. მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

4.3 მიმწოდებელმა მომსახურება უნდა გაწიოს მიწოდებული რეცხვის ტალონების სრულად გამოყენებამდე.

4.4 მომსახურება უნდა ითვალისწინებდეს ავტომატური რეგისტრაციის როგორც მარის ასევე სალონის რეცხვას.

4.4 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.4 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

V. მომსახურების გაწევის ვადა

5.1. „მიმწოდებლის“ მიერ მომსახურება უნდა განხორციელდეს „მიმწოდებლის“ ტერიტორიაზე ტექნიკური პირობების შესაბამისად.

5.2 მომსახურების გაწევის ვადაა სატრანსპორტო საშუალების მიყვანისა და ტალონის წარმოდგენისთანავე.

VI. მხარეთა პასუხისმგებლობა

6.1. „მიმწოდებლის“ მიერ მომსახურების დაგვიანებით გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე ხარისხიანი მომსახურების სრულად გაწევის დღემდე.

6.2 „მიმწოდებლის“ მიზეზით მომსახურების არასრულად, ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე ხელშეკრულების შეწყვეტის დღემდე.

6.3 ამ ხელშეკრულების 6.1 და 6.2 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში თუ „მიმწოდებლის“ მიერ გაწეული მომსახურება დაწუნებულია ან ხარვეზებით არის შესრულებული, წუნდებული ან ხარვეზიანი მომსახურების მაგივრად ხარისხიანი მომსახურების გაწევის დღემდე.

6.4. ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5. „მიმწოდებლის“ მიერ „შემსყიდველისათვის“ მომსახურების არ გაწევის შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს ხელშეკრულების ღირებულების 10% ოდენობით.

6.6. “შემსყიდველი” უფლებამოსილია გაწეული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს თანხა.

6.7. წინამდებარე ხელშეკრულებით განსაზღვრული მომსახურების სრულად არშესყიდვის შემთხვევაში “შემსყიდველს” პასუხისმგებლობა არ ეკისრება.

VII. ხელშეკრულების შესრულების კონტროლი

7.1 “შემსყიდველს” ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განხორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 ხელშეკრულების შესრულების კონტროლს “შემსყიდველის” მხრიდან უზრუნველყოფს სს „საქართველოს სახელმწიფო ელექტროსისტემა“ _____.

7.3 კონტროლი განხორციელდება გაწეული მომსახურების ხარისხისა და მიწოდების ვადების შესაბამისობით ხელშეკრულების პირობებთან.

VIII. შესყიდვის ობიექტის მიღება-ჩაბარების წესი

8.1 საქონლის მიღება განხორციელდება ეტაპობრივად, ფაქტიურად მოწოდებულ საქონელზე შესაბამისი მიღება-ჩაბარების აქტის გაფორმებით.

8.2 “მიმწოდებლის” მიერ წინამდებარე ხელშეკრულების 7.2 ქვეპუნქტით განსაზღვრული პირი აფორმებს მიღება-ჩაბარების აქტს ფაქტიურად მოწოდებულ ტალონებზე.

8.3 მომსახურების მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, აცნობოს “მიმწოდებელს” სათანადო ხარვეზების შესახებ (წუნდების არსი).

8.4 ხარვეზების აღმოჩენის შემთხვევაში „მიმწოდებელი“ ვალდებულია —(—) კალენდარული დღის განმავლობაში თავისი ხარჯებით გამოასწოროს ხარვეზი.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ საბუთად მხარეები

განიხილავენ შესაბამისი სავაჭრო – სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილ უნდა იყოს ხელმძღვანელობაზე ან/და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტის (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2. ხელშეკრულება შეიძლება ვადამდე მოიშალოს:

11.2.1. მხარეთა შეთანხმებით;

11.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.3 “შემსყიდველს” შეუძლია ხელშეკრულება ვადამდე შეწყვიტოს:

11.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.2. “მიმწოდებლის” გაკოტრების შემთხვევაში;

11.3.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება;

11.3.4. საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის 11.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული მომსახურების ღირებულება.

11.5 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

ამასთან ასეთ შემთხვევაშიც დაუშვებელია ხელშეკრულების ჯამური ღირებულების 10 %-ზე მეტი ოდენობით გაზრდა

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოავარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIV. ხელშეკრულების მოქმედების ვადა

14.1 ხელშეკრულება ძალაში შედის ორივე მხარის მიერ ხელმოწერისთანავე და მოქმედებს მხარეებს შორის ხელშეკრულებით გათვალისწინებული პირობების შესრულებამდე, მაგრამ არაუგვიანეს 2015 წლის -----.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვების შესახებ საქართველოს კანონის მე-3 მუხლის 1-ლი პუნქტის რ) ქვეპუნქტის შესაბამისად.

XVI. მხარეთა რეკვიზიტები

“შემსყიდველი”:

“მიმწოდებელი”:

5.დანართი №1

ხარჯთაღრიცხვის ფორმა

პრეტენდენტის მიერ უნდა შეივსოს ქვემოთ მოცემული ხარჯთაღრიცხვა სატენდერო წინადადების ღირებულება წარმოდგენილი უნდა იყოს ლარში დღგ-ს გარეშე.

პრეტენდენტის დასახელება _____

№	მომსახურების დასახელება	განზ. ერთეული	როდენობა	ერთეულის ფასი (ლარი)	ჯამური ღირებულება	ტალონების მიწოდების ვადა
1	2	3	4	5	6	7
1.	სედანის ტიპის ავტომანქანების რეცხვის მომსახურება	ცალი	250			
2.	ჯიპის ტიპის ავტომანქანების რეცხვის მომსახურება	ცალი	500			
	საერთო ღირებულება დღგ-ს გარეშე					

პრეტენდენტის ხელმოწერა -----

ბ.ა.

6. სატენდერო დოკუმენტაციის შესახებ დამატებითი ინფორმაციები:

- 5.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.
- 5.2 ელექტრონულ სისტემაში ატვირთული პრეტენდენტის წინადადება უნდა შეიცავდეს შემდეგ დოკუმენტებსა და ინფორმაციას:
- 5.2.1 შევსებული ხარჯთაღრიცხვა (დანართი №1)
- 5.2.2 არის თუ არა დღგ-ს გადამხდელი.
- 5.2.3 პრეტენდენტის რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.
- 5.2.4 პრეტენდენტმა უნდა წარმოადგინოს ინფორმაცია ქ.თბილისში, ქ.ბათუმში და ქ. ქუთაისში განთავსებული ბოქსების შესახებ, კერძოდ: მისამართები და ბოქსების ფლობის ან საკუთრების დამადასტურებელი დოკუმენტების ასლები. (სატენდერო დოკუმენტაციის მე-3 პუნქტით განსაზღვრული ტექნიკური პირობების შესაბამისად).
- 5.2.5 საქართველოს ტერიტორიაზე საკუთრებაში არსებული უძრავი ქონების შესახებ (ამონაწერი საჯარო რეესტრიდან).
- 5.2.6 თანხმობა სატენდერო დოკუმენტაციის პირობებზე.
- 5.3 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურები განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების დამტკიცებული წესის მე-6 მუხლის შესაბამისად..
- 5.4 ყველა სავალდებულო დოკუმენტაცია წარმოდგენილი უნდა იყოს ქართულ ენაზე.
- 5.5 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
- 5.6 ალტერნატიული სატენდერო წინადადება არ დაიშვება.

6.საკონტაქტო ინფორმაცია

ელექტრონულ ტენდერთან დაკავშირებით ინფორმაციისათვის და განმარტებებისათვის შეგიძლიათ მიმართოთ სატენდერო კომისიის აპარატის წევრებს:

გიორგი გოგინაშვილი ტელ: 577240424 ელ. ფოსტა: giorgi.goginashvili@gse.com.ge

გიორგი გიორგაძე ტელ: 577232355 ელ. ფოსტა: giorgi.giorgadze@gse.com.ge